



題辭

甘泉 葉惟善 論毅

鏤雪聰明夏玉思  
翩翩白袷寫烏絲  
湖山霸氣餘今古  
我羨迦陵筆一枝  
冷落詞場二百年  
曉風爭唱柳屯田  
誰知江上聽潮後  
才調蘇辛繼昔賢

紹興 諸宗元 貞壯

豈有旗亭畫壁情  
長江按曲復長城  
山川文字關奇氣  
自向人間作變聲

比竹餘音感冷紅  
亡友與叔問文煇所著詞名冷紅名比竹  
近傳漚叟朱漚尹先生孝斌  
隱吳淞嗟予歲暮懷人

日却在長謠短詠中  
往夢吳居與鄭朱二公論詞極一時之盛

新建 夏敬觀 劍丞

淮海清歌玉貌人  
梅溪大雅不傷新  
乾嘉薰習歸圓熟  
誰見江南一爪鱗

安徽李光少華

軍謀治譜幾人知唱到家山入破時李廣寄聲程不識莫拋心力付歌辭

滿庭芳

顯蘭鉤詞卷集定公句

紹興胡穎之栗長

怨去吹簫狂來說劍吳天清夢悠悠倘能尋見鏡檻與香篝識有仙才人  
住垂楊畔明月揚州問醒眼看時何許蝶也不驚秋 休休攜手處斷金  
零粉嫩想穠愁但打疊吟魂同上蘭舟渺渺予懷孤寄奇文在雅淡溫柔  
空相憶紅簾雙捲江上有高樓

浪淘沙

宜興朱寶瑩琇甫

金粉六朝收文采風流二分明月憶揚州猶似舊時歌吹否廿四橋頭

羅袂不勝秋風露添愁自緘紅淚去登樓一段風花休說與憑付珠喉

南鄉子

德清 徐思晉 霞張

文字十年交湖海元龍意氣豪北走幽燕南走越逍遙近代詞人擬鳳毛  
思湧廣陵潮正伯書舟律呂調低按紅牙鶯囀細良宵月底應吹碧玉簫

--	--	--	--	--	--	--	--	--	--	--

蘭鐫詞

儀徵程仲清

八聲甘州

長城 巳酉

起臨洮延袤到遼東蜿蜒走蛟龍數極天關塞紫荆白馬山海居庸一片  
高高秋雉堞凜烈撼西風殘壘銷烽火野燒猶紅 飲馬我來憑弔歎千  
年戰骨多少英雄問春閨夢裏幾度訴離衷又蒼莽平沙日落算秦時明  
月古今同清笳斷帶邊聲去數點征鴻

桂枝香

會師江寧克天堡城喜誌

辛亥

風生大纛看戰士鐵衣月梭斜照叱叱蒼頭突起驚飛棲鳥千山烽火連  
天赤短兵交殺人如草舊時形勝龍蟠虎踞枉誇江表 聽激越鳴笳破

曉正躍馬橫刀齊登天堡指點孤城斗大虜營低小金陵王氣銷沉盡膽  
降旛一片飛繞晚來洗甲漢家坏土幾回憑弔

水龍吟

觀潮 丙辰

錢塘八月潮來萬人空巷爭先睹銀浪排空勢凌龕赭氣吞吳楚石破天  
驚半江飛雪千山籠霧看輕舟一葉隨波上下飛潛處蛟龍舞 淘盡英  
雄千古挽狂瀾誰爲砥柱射將鐵弩軍聲撼地錢王赫怒倏忽雲開胥旗  
招展乘風西去慨中原莽莽波濤洶湧問天無語

卜算子

九日登吳山

螺黛萬重山螭粉千家屋樽酒相攜第一峯放眼空江國 人語紫陽巔  
雁字青霞麓細雨斜風自滿城着意催黃菊

卜算子 雪夜

皎潔近山明料峭尖風厲冷絮漫天白戰酣一鶴空庭睡  
虛牖擁裘寒  
活火煎茶沸明日孤山去問梅枝北花開未

金縷曲 馮小青墓 戊午

金屋何緣貯帳無端河東禍起蛾眉善妒離合忽忽都似夢腸斷綠波南  
浦又寫遍傷心詩句自古才人多薄命最憐他巾幗因才誤引起我閑愁  
緒  
依稀煙水西冷路認冰魂和梅乍返喚春同住一曲湖光幽入畫分  
占林家孤嶼合小伴鞠香坏土欲折芳馨來弔古問當時環珮歸何處斜  
照裏花無語

阮郎歸 花朝



一犁新雨足青郊輕煙籠畫橋年年客裏過花朝綵旛枝上飄  
黃弱柳  
發禮桃天涯春色嬌二分明月玉人簫故園芳訊遙

西江月 清明

紫燕爭營故壘黃鸝嬌轉新聲半晴半雨作清明弱柳將棉風定  
寒食  
纔過冷節輕煙又散春城十千沽酒醉旗亭目送鞭絲帽影

滿庭芳 芳草

夢醒池塘江南春暮陌上一片蒙茸細叢疏影低襯落花紅芳遠前侵古  
道新雨後屐齒痕鬆雙隄上香濃碧淺風暖試青驄 縱橫無賴甚窗  
前  
露濕簾外晴烘但離離自長不藉人功無限王孫舊恨都分付花外東風  
好生向蓬萊峯頂千載色葱蘢

減蘭 曉起

春郊雨霽不爲惜花偏早起  
棲鳥初飛日出中庭露未晞  
層巒叠嶂捲上湘簾頻眺望  
清思悠悠隔岸山光入畫樓

南鄉子 春燕

舞態競蹁躑掠水輕盈弄影纖  
帶雨歸來簾未捲偷覘飛傍雕簷去復旋  
紫喙錦泥黏小築香巢自整嚴  
不住呢喃低語意纏綿畫棟雙棲一夢甜

燭影搖紅 燭

綺閣春濃百枝鳳炬雲屏暖飄香輕  
匝紫茸茵休把珠簾捲恐被東風吹散  
最消魂宮眉畫淺海棠開遍人影花光迷離莫  
作平辨急管繁弦小鬢擎酒殷勤勸凝空金粟欲成堆  
厭取并刀剪燒到刻痕過半儘催詩良

宵苦短夜闌客去共話巴山西窗凭遍

慶春澤 細雨

樓閣溟濛鞦韆冷落綠蕪小潤如酥輕壓楊花幾回亂點琴書淡煙一抹  
東風濕閉閒門草滿前除最憐渠粉翅金衣鳳子鶯雛 蓉塘隱隱輕雷  
近想漁舟乍繫酒旆還舒怎得丹青倩他替畫春湖劍門雲冷詩人過問  
何如灞上騎驢慢傾壺且喚奚童剪取新蔬

疏影 簾

低垂窳窳正畫堂晝靜午睡初足小雨新晴燕子頻瞋錦額幾番微蹴桃  
花影趁斜陽入怕卷起影兒羞縮最惱人柳絮顛狂儘向翠鈎輕撲 長  
記紅妝倚處那回丁子下雙臉如玉欲見迴腸留住爐香煙縷篆殘還續

揚州杜牧當年去，悵十里春風。誰屬想繡屏深坐，顰眉蟬鬢。美人幽獨

金縷曲 落花

流水悠悠去，正瀟湘片雲化後。數聲啼宇墜粉闌珊，何忍掃休向中庭更  
數。最無賴、宵來風雨，紫恨紅愁，春不管。繫金鈴十萬，終難護開復謝。若爲  
主。當時梓澤，消魂處。逐香塵、繁華事散夕陽無語。十二玉闌悲腕，晚羸  
得鶯悽蝶苦。祇廊月和人凝佇。等是東皇新點染，讓楊花飛上青雲路。論  
際會，卻輸與。

水調歌頭 送春

南浦餞春去，惱煞杜鵑啼。多少離愁別緒，祇有曉鶯知。芳樹紛紛紅瘦，芳  
草萋萋碧淺。今後惹相思。尙有清和景，莫負此年時。增惆悵，春再至，隔

二期繁華過眼如夢往事怕重題一桁珠簾不卷鎮日雙眉頻皺無語怨  
斜暉身世升沈感柳絮舞高低

青玉案 觀棋

臨窗解籜新篁秀又花氣侵簾透清簟夢回疎雨後好風過處午陰濃候  
坐隱消長晝兩奩黑白龍蛇走闔關縱橫儼攻守席上藏機誇妙手一  
枰方罫問誰贏負笑我旁觀久

好事近 初夏

棗兒絕纖塵窗外幽蘭芬馥小院晝長風靜恰涼生修竹 鳩鳴屋角競  
呼晴梅雨四郊足麥隴香沾衣袂更櫻桃初熟

如夢令 夏夜

山色湖光如畫小艇探蓮月夜花裏度流螢一曲橫塘歌罷消夏消夏妝  
卸水晶簾下

朝中措 乞假歸揚州晚宿京口

吳山越水十年游別恨幾時休又是江南春盡一千里路悠悠 昨宵黃  
浦今宵京口明日揚州獨自凭闌望處兩三星火瓜洲

西江月 重遊平山堂

十載天涯羈旅一年一度揚州別來湖水不勝愁比似西湖消瘦 揚州保障湖一名瘦

西湖買得扁舟雙槳平山堂下重遊尋花載酒少勾留貪與間鷗話舊

蘭陵王 秋柳

大隄路秋色淒涼如許西風裏搖落千絲弄影蕭疎夕陽渡斑駁繫不住

消息當時早誤漫凝佇幾點棲鴉流水孤村斷腸處  
依依甚情緒看瘦損腰肢顰損眉嫵者般憔悴霜還妒只古戍黃葉淺汀紅蓼清愁合付晚  
蟬訴惆悵庾郎賦 羈旅越吟苦記絮撲湘簾煙鎖江浦攜樽幾度聽鶯  
語又怨傳玉笛歌歇金縷長條休折待春到任起舞

蝶戀花

秋懷二首

獨倚危欄斜日暮剗地西風瘦盡梧桐樹誰弄洞簫如泣訴長空征雁南  
飛去 滿目黃花凝白露客裏愁聽一霎重陽雨酒醒香銷蛩亂語欲尋  
舊夢無尋處

莫道春愁拋撇久又是深秋景物全非舊日日東籬常病酒對花人比黃  
花瘦 底事風儂還雨慙作去弄微寒暗地欺羅袖孤雁一聲砧杵逗平

林如畫雲歸岫

奪錦標 夜戰

暝色沈沈驚沙陣陣木落西風蕭瑟斷續千營刁斗孤雁音淒亂烏飛急  
看星稀月黑正輕騎軍門馳檄偃旌旗急走銜枚妙算神機難測 萬衆  
同心破敵畫角無聲夜薄休屠堅壁白刃相交血濺光黯銀戈冷傳金戟  
問深宵奏凱可遙比岷崙奇襲待平明秣馬龍堆露浥征袍猶濕

一剪梅 中秋

天末微雲淡欲流日落滄洲雁過汀洲一年容易又中秋月滿瓊樓人在  
西樓 一樣清輝兩地愁心也悠悠漏也悠悠江湖落拓尙依劉酒醉杭  
州夢繞揚州



金菊對芙蓉 菊

風雨重陽黃花照眼依然舊日丰姿看孤芳蝶戀晚豔蜂僂去年俊賞會  
來就記陶然共醉深杯多情破帽何輸小杜滿插花歸 低徊此度花期  
怎匆匆開了辜負年時似相逢有恨恨被霜欺花憐我瘦花還瘦帶疎煙  
澹月迷離何堪重憶枯藤手縛爲補東籬

瑞鶴仙 梨花

玉釵輕裊裊看淡掃蛾眉東欄斜凭中天月如鏡正重門深閉香銷金鼎  
慙慙對影別離恨非關酒病最憐他帶雨啼痕淚界粉腮還凝 幽靜不  
饒梅色雅薄桃花靚妝都屏夜深漏永輕寒透雪肌冷怕春光將老難禁  
風妒空怨東皇薄倖又枝頭無賴鶯催曉雲夢醒

聲聲慢 東風 已未

輕颺酒旆暗逐香車粘天綠草芊芊楊柳千條無端盡向西偏年華暗中  
偷換引閒愁先上眉彎無賴甚恁頻欺羅袖故弄清寒 不管遊人懊惱  
作 去廉纖細雨慣破花慳便了周郎銅雀不鎖嬋娟恩恩幾番風信甚春  
來又送春旋腸斷處聽聲聲啼老杜鵑

前調 西風

微波瀨末落葉亭皋雲羅萬里征鴻蘆絮輕輕依稀柳絮因風天涯十年  
歸夢待朝來吹過吳淞渾無據怕關山難度離恨重重 人比黃花還瘦  
試倩伊心事刀翦聲中涼透窗紗孤燈一點搖紅潘郎鬢絲暗換正疎砧  
傳到簾櫳愁不寐聽秋聲都入井桐

賣花聲 本意

春色滿江城宿雨新晴曉來深巷賣花聲  
一一花魂都喚返數遍芳名  
睡蝶也驚醒隨著伊行嬌喉清脆隔牆聽  
偏是籠鸚間學舌吳語分明

應天長 應

玉鈴綵綬騰拏處漠漠煙沙千里暮拳金距振霜羽  
眼疾草枯平地去  
下韉隨指顧用成句飽後還相依  
否雨血風毛無數蒼茫斜日路

滿江紅 翁仲

相對斜陽消受盡年年岑寂看竟日排衙荒堦  
蘚痕侵膝石獸經時成伴  
侶青蠅終古爲賓客笑盈頭飛上紙錢灰  
逢寒食 前朝事誰追憶千載  
後人猶識任樵歌漁唱無言佇立華表巖巖  
仙鶴去佳城鬱鬱啼鶉泣問

醉觴分爾一杯無空悽惻

眉嫵 新月

正長空如洗淡靄全消初暝著纖印一桁珠簾捲屏人拜殷勤探取歸信  
玉容瘦損料嬾窺菱鏡三寸恰依約半額宮黃淺斂眉帶新恨 天上團  
圓期近恁等閒世事離恨無準破碎山河在三郎去霓裳何日重聽獨眠  
未穩算鑑帷遙夜無分待傳語清虛還怕素娥不問

大江東去 長江

折蘆而渡看天塹終古界分南北萬里淼茫波浪闕下有鮫人淵客吸引  
沮漳兼吞沅澧潮湧鴻濛濕英雄淘盡陽侯堪傲河伯 蜿蜒源導岷山  
流趨巴峽東下驚濤急瀉洞煙沙奔日夜出沒蒲帆千幅魏帝縫囊苻堅

投筮壯志真無匹樓船相屬橫江鐵

作平

鎖何益

翠樓吟

屏風

有意遮風無心障月芙蓉爲誰輕掩春歸人寂寞畫簾外落紅千片香留  
寶篆恁六曲連環牽情無限尋思遍背燈閒倚彩牋重展 淚眼坐對無  
言任翠翹斜鞦嬾擡妝面紛綸蛛網細似離緒絲絲不

作平

斷天涯晼晚

但暗憶王孫何時相見江南遠小山重疊夢魂難遣

江城子

聞笛

水精簾捲十三樓碧雲流月如鈎一夜笛聲吹起玉關愁何限受降城外  
意蘆管裏按涼州

清平樂

工部兵車行讀之氣短  
爰反其意作此一解

少年夫婿躍馬從軍去誓掃匈奴身不顧妾語君須記取 玉關音信杳  
稀瀕行重屢征衣忍住兩行紅淚怕郎臨別依依

御街行

夏夜

月明影疊松篁細嫩玉笛樓頭倚青蘋風起舊池塘雲淨碧天如水鳴蟬  
沈柳歸鴉棲樹玉露涼琴兒 流螢閃入花叢裏曲檻外荷香遞晚來卻  
較午陰清翠暈新苔鋪地煎茶滌暑何須濁酒一笑風掀袂

好事近

四時漁家樂

春水鱖魚肥已過禁煙時節繫艇綠楊陰下正楊花如雪 風前醉臥脫  
蓑衣淡淡一鉤月塔影隨波搖漾又行雲明滅

湖上久浮家鷗鷺竟成相識四面藕花爲壁更無些塵迹 晚來沽酒段

家橋傾樽永今夕明日煙波深處問何人尋得

一棹任東西儘取五湖爲宅楓葉蘆花留我向船頭橫笛 賣鱸沽酒放

歌歸臥槳傍沙蹟夢醒招邀新雁說秋風消息

蓑笠鈎寒江漠漠暮煙凝碧風雪漫天飛舞替千山添色 百杯不醉酒

頻斟豪飲問誰敵望裏迷離難辨有孤鴻留迹

離亭燕

晚煙

落日鴉邊初墮漠漠平林深鎖暮色蒼然橫古渡卻被鷺鷥衝破墟里有  
人行依約歸鋤斜荷 江上客舟搖過柳暝絲絲婀娜一片淡黃新月上  
枕石和雲閒臥隱隱聽漁歌不見孤蓬燈火

減蘭

濕雲閣雨徹夜笙歌蛙兩部綃帳如煙金鼎香消人未眠  
屏山迤邐隔  
住夢魂飛不起花外疏鐘度過湘簾第幾重

浣溪紗

天淡雲輕月一弓半簾花影寫秋容西風消息到梧桐  
有意寒砧催落  
葉無端別夢逐征鴻金猊香冷畫屏中

又

羅襪伶仃怯夜涼玉階清露濕秋棠含愁慵整薄羅裳  
蠟淚有心常惜  
別龍涎成篆幾迴腸銀箏弄久未歸房

又

簾隙西風促夢回新涼一味透冰肌窺人明月入羅幃  
疏影半奩愁裏



鬢淡痕幾筆怨中眉玉關依舊雁書稀

桂枝香 鱧魚

扁舟乍繫正玉尺銀梭價高魚市極目菰蒲幾處荻花無際八叉吟客驚  
秋夢最難忘東門煙水一天霜皎半江楓冷作去成歸思 笑堪數平生  
適意只一箸尊前雪鬆酥膩贏得并力細切漫煩纖指算來未必功名勝  
又何須羈游千里者般風味年年相憶紫萼香裏

水調歌頭

連朝春雪乘興遊萬象  
山感而賦此 丁卯

春雪擁三尺何處訪袁安漫天瓊屑飛舞攜酒獨登山古寺鐘聲冷閣老  
樹棲鴉寒噤松外一僧還四望白無際聊作畫圖看 征袍脫良馬逝作  
去 蠹官空懷壯志兩行清淚濕青衫追憶石 作平 湖淮海空有樓頭煙雨

誰與結詞壇按劍發長嘯帆影有無間



詞學之興肇於有宋而盛於晚清辛亥鼎革後如朱古微況夔笙諸老隱居滬上提倡宗風一時學者爭相琢磨風氣爲之丕變吾家詞學代有聞人吾父少華公幼卽嗜詞尤工小令設於酒綠燈紅之後使二八女郎曼聲而歌以紅牙板拍之當不讓柳屯田曉風殘月也仲清弟弱冠後投筆從軍然於詞學頗能克紹家風雖干戈戎馬之間不廢吟咏其一種慷慨激昂之氣時流露於字裏行間殆得力於蘇辛者多歟年來積有若干闕行將付之手民余於詞學未窺門徑豈能妄贊一辭然於吾家詞學之淵源及仲弟學力之深造尙能略有所知緣誌其梗概如此

民國十有六年歲在丁卯暮春松巖跋於浙江括蒼官舍

--	--	--	--	--	--	--	--	--	--

